

Broj: 01-02-648-2/24
Datum: 10-06-2024

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno	11-06-2024	Broj lista	Vrijednost
Org. jed	05/1	-02-	292 / 24

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BiH
ZASTUPNIČKI/PREDSTAVNIČKI DOM
N/r gosp. Ivan Miličević, tajnik/sekretar
N/r g-đa Suada Halilović, zastupnica

Predmet: Dostavljanje odgovora na Zastupničko pitanje
Veza: Vaš akt broj; 05/1-02-292/24 od 29.05.2024. godine

Poštovani,

Zastupničkim pitanjem, koje je na 11. redovnoj sjednici Zastupničkog doma Parlamenta Federacije BiH, održanoj 28.05.2024. godine, postavila Suada Halilović, zastupnica u Predstavničkom domu Parlamenta Federacije Bosne i Hercegovine, od Federalnog zavoda za statistiku traži se odgovor za objavljivanje "medijalne" plaće u Federaciji BiH.

Federalni zavod za statistiku je (prema Planu provođenja statističkih istraživanja od interesa za Federaciju BiH za 2023. i 2024. godinu) proveo četvorogodišnje Istraživanje o strukturi zarada za referentnu 2022. godinu i oktobar 2022. godine. Rezultati ovog istraživanja će se, prema kalendaru publikovanja Federalnog zavoda za statistiku, publikovati 21.06.2024. godine. Istraživanje o strukturi zarada je prvi puta provedeno u BiH i pripremljeno je u saradnji tri statističke institucije u BiH (Agencija za statistiku BiH, Republički zavod za statistiku RS i Federalni zavod za statistiku). Metodološke postavke ovog istraživanja zasnovane su na preporukama i regulativama EU. Referentna godina i mjesec određeni su od strane EU i isti su za sve zemlje članice kao i zemlje koje će to postati.

U saopćenju koje će se publikovati 21. 06. 2024. godine bit će objavljeni osnovni-ukupni rezultati istraživanja, dok će uz saopćenje biti publikovane excel tabele sa podacima o prosječnim zaradama za referentni mjesec i referentnu godinu, kao i prosječnim zaradama po satu rada prema individualnim karakteristikama zaposlenih: zanimanje, stepen obrazovanja, starost, dužina radnog staža u poslovnom subjektu, vrsti ugovora zaposlenog kao i prema karakteristikama poslovnog subjekta u kojem zaposleni rade – djelatnosti, veličini i obliku svojine poslovnog subjekta. Svi podaci će biti publikovani ukupno i po polu. U podacima će biti objavljene prosječne i medijalne zarade u bruto iznosima. Regulativama EU i Eurostata je zahtijevano dostavljanje podataka u bruto iznosima.

Napominjemo da se Istraživanje o strukturi zarada, prema EU preporukama, provodi jedanput u četiri godine, tako da će rezultati ovog istraživanja biti dostupni u četvorogodišnjoj periodici.

Federalni zavod za statistiku provodi mjesečno istraživanje o plaćama zaposlenih (Rad-1), putem kojeg se prikupljaju podaci o plaćama zaposlenih za poslovni subjekat kao cjelinu. Obzirom da ne raspolažemo mikro podacima o plaćama po zaposlenim osobama nismo u mogućnosti raditi izračun i publikovanje medijalne plaće na mjesečnom nivou.

S poštovanjem,



DIREKTOR

Doc.dr. Emir Krenić

Dostaviti:

1. Naslovu 2x
2. Odsjeku za statistiku tržišta rada
3. a/a